



國家清史編纂委員會·文獻叢刊

三編

清代稿鈔本

第一二三冊



國家清史編纂委員會·文獻叢刊

三編

清代稿鈔本

第一二二冊

廣東省立中山圖書館
中山大學圖書館 編

主編 桑兵
副主編 李昭醇

程煥文
劉洪輝

廣東省出版集團
廣東人民出版社
·廣州·

第一一二冊目錄

廣東詩彙

(卷七十八至九十二)

廣東詩彙

一百五十卷

鄔慶時 屈向邦 合編

稿本

廣東省立中山圖書館藏

廣東詩彙卷七十八

番禺 鄔慶時 合編
屈白邦

溫汝适字步客鄒篋坡順德人乾隆甲辰進士翰林院編修官至兵部右侍郎有携雪齋詩文鈔

兩度金鎖關

憑高知地險，近塞有雄關。不鎖寒溪水，遙臨萬仞山。峯迴烟樹合，石仄野花斑。水雨從雷洒，人行積翠間。

武勝關

荆豫襟喉此最雄，山川形勝入環中。淮從北折連河駛，江自西來句漢通。洵水近侵延鷺堠，戍兵閒引射麋弓。黃雲滿谷千箱溢，遂聽田家說歲豐。

雪後過吳江

東虹水冷浸玻璃，雪母窗明袖手時。
渾似關山風雪裏，蘊簾不捲過胭脂。
已已八月自酒泉回過胭脂山二巔
已飛雪肩輿重簾密護寒氣逼人

過柳嶺

水田却在林岫裏，酒旆旆仍藏村巷間。
白曉滿江送微雨，亂泉聲裏度寒山。

南天門雪中曉望

曲磴迴磴路幾盤，石稜松鬣送征鞍。
翠微直上平如掌，玉立千峯雪裏看。

姚天健字行軒，澄海人。著有遠遊詩鈔。

建昌道中

五嶺此咽喉，三吳作襟帶。山城鬱嵒嵒，遊子遠行邁。驅車揚飛塵，浮筏渡淺瀨。牛羊雲壑穿，墟里水田外。原上層陰生，峯頭落日大。麻姑杳難期，洪崖遇或再。誰云跋涉艱，我恐吟眺快。來途既已經，去路諒無碍。苟存坦直心，無須前後戒。行將宿何方，深村一犬吠。

上蓬萊灘

羣峯爭一壑，百丈挽孤舟。雨過山容變，雷奔石骨愁。北懷波浪外，灘水曉昏流。相笑經行慣，星斗半白頭。

林瓊字方玉，弼琢山，東莞人。鳳岡孫。有《掬芳齋詩集》。

登浴日亭觀石刻有懷蘇陳二先生

瑞光長護古亭詩，雪剝霜侵屹不移。
金石尚諧風過後，龍蛇猶舞日來時。
人如玉局千秋在，客到江門百代知。
我正端倪參未透，忽驚春夢影遲遲。

何士璽字冠儒，香山，諸生。

小吳軒

綠水歇疎雨。人家春鳥鳴。斷雲諸寺出。斜日半山明。澗古靜苔色。林空來梵聲。劍池今夜月。還照園闌城。

何瑞熊字振緒香山人有茗夢詩集

庭竹

玉立正亭三。幽懷入渺冥。渾將千个碧。并作一天青。夜冷月侵徑。人來風滿庭。無邊秋籟發。只合倚林聽。

馮璉字穎中南海人著有銳亭詩草

仲春上浣鄺湛若先生生日有感

人孰不有生所貴不惜死死重於太山其生方可紀吾粵有鄺
君才節稱建美平生好古心蓄琴名絲綺臨危抱不舍孤表良
有以勝國鼎沉邊俗調節士詒言託文詞偷生聊復爾惟君
矢靡他洵足愧餘子慷慨亦從容嵇康差可擬廣陵散杳然忠
魂激流微初度不可沒作歌寫遙企琴亡人不亡千秋照青史

方城字天授號雲漢東莞人

秋興

晚山含翠夕陽收。翹首長江火又流。書劍十年王粲淚。詩歌
千卷杜陵愁。風傳宵柝聲。露滴中衰荷葉秋。身世
浮沉原是幻。乘槎誰復見牽牛。

劉天鶴字翼雲一字南溟南海人

黃鶴樓

仙蹤鶴跡絕蒼茫依舊層樓控武昌
遠目已空吳地濶客愁真與楚天長
洲連芳草飛鷗鵲山對芙蓉指鳳凰
日暮橫江一聲笛暮雲秋思在滄湘

何碧嶼順德人

蘊玉書室

斜日掛寒峯雲遮萬壑松
湖光半明滅倒浸碧芙蓉
何文標字光祖弼橫塘香山太學生有浣露詩草

衰草

芳菲無復蔚以藍
漠漠寒烟總不堪
多少興亡足憑吊
六朝遺恨滿江南

何讓字廉父字介軒順德人諸生有蓮花一瓣精舍偶存稿

送董亭五叔之官滇南

前期理行旌云指西江西相送集親昵置酒臨前溪觴至不能
辭對景難重題春風何媚三芳草何薰二草芳草未老悠二拂
遠道二遠安呈言嘉會苦不早與子共生平憂喜盈懷抱
皇路平蕩二趁此朝日曷緬甸雖南服日近如九閩我家重清
廉風裁期更敦即此慰双白長倚閭里門送者自崖返來猶掉
淚輟豈故遲又遲濯纓流微咽丈夫矜意氣不作兒女別愛至
情自深况復萬里結臨歧慎勉旃音書戒濶絕

歲盡見紫菊

于此忽相見誰還說菊癡人方嗟歲暮汝猶笑難東傲骨老逾
健霜顏雪後紅明朝千萬紫留待領春風

珠璣卷

相傳先世寓居之處

曾是先人此結茅
分來東閣老梅梢
自從南渡衣冠盡
零落春泥舊燕巢

鏤蟲詞

旋鼓無端向曉開
双竿撥引萬千回
誰知中婦流黃鑊
是妾抽絲貢緒來
宛轉機衡不住飛
一枝玉臂見清輝
昨宵催織蒲萄錦
要為秋娘製舞衣
蜀錦齊纨竟壓香
銀頭時託手纖纖
客脾釀滿春花後
也付歡腸自在甜

招茂章字郁文號桐坡南海人著有橘天園詩集

問月

明月幾時有、李白問天。答否。明月幾時無、邵雍之論終虛無。
大抵無人先有月、月終後死人先滅、呼之為月始誰人、窮荒之
外又何說、人間荒遠尚難稽、天上渺茫安用詰、人如無古不成
今、月到極圓都要缺、入地升天秋後春、照富何曾不照貧、我今
能見古時月、他日我終成古人、頭上有月樽有酒、不飲胡為空
尚口、擎杯仰不愧青天、一醉何須計升斗、

勗功寬

有字何愁賤、無恒真是貧、勤勞收嗜慾、磨煉出精神、太逸易生
病、嚴寒將轉春、梅花飽冰雪、香故絕羣倫、

劉統墓字未山惠州人乾隆丙午舉人官陽江訓導有南
石山房詩鈔

古榕寺

二湖行已盡野寺枕高岑地僻稀遊客山深認古榕
病僧閒掃葉山鳥靜聞鐘
巖巖珠泉落歸途烟霧封

徐州渡河

呂梁山勢鬱崔嵬春暖徐州霽色開
九曲水從天上落單車人
向日邊來軟風降準雄圖盡
戲馬重瞳霸業灰今日渡河向遠
遙孔鴉飛處是荒苔

飛來寺

古寺踰飛來飛來自何處
只向寺飛來不見寺飛去

苦竹洲聞鷓鴣

萬里賓鴻共客途，吳楓落盡楚山孤。
何堪暮雨漂：裏苦竹洲
邊唱鷓鴣。

陳昌言字炯上弼伯廷東莞人乾隆丙午舉人官高要訓導

遊小金山寺步東坡韻

金仙閱世恒河沙，寶陀一卷峰聚衙。
聳坡騁駕偶遊此，恍如佛界優曇花。
回望維揚只藪爾，刻舟何必詢誰家。
羣峯巒：落江面，草樹蒙密啼鳥鴉。
閑中往：得禪悅，摩挲初地聆天葩。
中冷之泉不可汲，缸面誰試龍團茶。
法界莊嚴石樓靜，鑿：魚鼓聞三槌。
平生痛癢只自會，麻姑豈能倩手爬。
玉局無人解玉帶，茫茫時會空長嗟。
歸帆日落急如駛，高臺縹緲江天霞。